

ادبیات عمومی و تجریدی

هفته‌لق سیاسی، علمی و ادبی غزته‌در

جلد : ۲

سنه : ۲ ۲۹ صفر ۱۳۳۶ هجری ايرتسی ۱۵ کانون اول ۱۹۱۷ نومرو ۱۵ — ۴۶

اجمال افکار

فرانسز قفاسی

بوندن تقریباً یکرمی سنه اول، ظن ایدرم عثمانلی - یونان محاربه‌سی اثناسنده، فرانسه‌ده شیمدی متروک Le Play مکتب اجتماعی ارکانندن E. Demolins نام معلم — آنغلو-صاقسون لک تفوقلری نه‌یه مستنددر؟ — عنوانیه، فرانسزلر ایچون پک آجی، فقط مفید و علمی اولغا، برابر شمتلی بر اثر نشر ایتشدی.

بو اوفق کتاب، عالم مطبوعاتده بیوک و سورکلی مناقشاتنی موجب اولدی. اعظمدن برخیلیسی آکا دائر مطالعه و مؤاخذه‌لرینی بسط ایتدیلر.

او زمان، هنوز انکلیز خصوصیت تاریخیه‌سی فرانسزلرک ذهندن سیلنمه‌مشدی. دنیاده سیاسی و اقتصادی اک مهم موقعه کنیدیسنی لایق کورن فرانسه، بیوک - بریتانیانک استعلاسنی چکه‌میور، و، اسکی محافل، دائماً، مانش - ک شمالنده‌کی سلطنت بحریه و تجاریه‌یی بیوک بر رقیب اولقی اوزره تلقی ایدیوردی.

اوت، آوته مذکورهدن اولکی تلقیه نظراً برنجی درجه‌ده‌کی خصم آلمانیا دکل، بیوک - بریتانیا ایدی.

عجبا، نفس‌الامرده، فرانسه‌نک اک بیوک دشمنی، کنیدیسنی ۷۱-۱۸۷۰ ده هزیمته دوچار ایدن پروسیامی ایدی، یوقسه، انکلیزده‌می؟ انکلیزه ایدی.

موسیو [ده‌مولان] ک اثرینه دائر بسط مقال ایدن پک مشهور منقد وادیب [ژول لومه‌تر] - فیغارو - ده دیورکه :

چوقه سی ویردیله . و مقدما وارن ایلچیلره یوز یکریمی آدمدن زیاده آدم کتورمکه رخصت کوسترما مشلرایکن آنجوق یوز یکریمی آدمه کفایت ایده جک مرتبه ذخیره و یروب زیاده جه برجه ویرمک عادتلی دکلایکن بوقعیر ایکی یوز طقسان بش آدم ایله واروب ذه ذخیره لریخی دخی آکا کوره تعیین و ترتیب ایلدیله . اولایومیه اون بش قیون وایکی قوزی ویتش کیل آرپه و کفایت مقداری اودون و اولتق و مصارف سائره منر ایچون دخی یوز الیش غروش خرچلق ویردیله . «

طقوزنجی آیده استانبولده کی سفیرینک اکمال وظیفه سفارتله [بدون] قلعه سنه کلدیکی خبری واصل اولغله چاسار سفیر منری تکرار دعوت ایله بش ، و ذات حضرت پادشاهی به یازدقلمری نامه بی ینه اسکمله دن بر ایکی ذراع آیرلدقندن صکره تسلیم و صلح و صلاح احکامنه دائماً رعایت ایده جگنی افاده و تفهیم ایله برابر عودتنه مساعدده ایتمشدی .

سفیر منر معیتی ، اشیا و مواشیمی ایله برلکده اوتوز ایکی قطعه سفینه به را کباً و طونه بی تعقیباً کال عز و وقار ایله عودت ایلوردی .

۲۸ تشرین اول ۹۱۷

محمد زکی

حق تصرف بزرده صورت توثیق

بشریتک ترقیات و تدنیاتی تدقیق ایدنلرجه معلوم اولدینی اوزره صفحات مختلفه حیاتنده اونی سوق و اداره ایدن عوامل و مؤثراتک نتایج اعتباریله الک زیاده ولود اولان قسمی الحق «مروت» در . ثروتک استحصال ، محافظه سی ، هردرلو تعرضدن تأمین مصونیتی ، تادوار وحشت و بداوتدن بری جمعیات بشریه سرآمدانک مشغول اولدینی بر مسئله معضله در . منازعات و اختلافات دولیه ، بتون محاربه لر هپ بونقطه به مستنددر . اونک ایچوندر که هردولتک قوانین مدونه سننده رعایا و برایانک ثروتی ایچون احکام و اساسات متنوعه وضع ایدلش ، مناسبات اجتماعیه نک آهنگ و انتظامی ، تکمل و توسعنی تأمین ایتک ایچون حکومت متمدنه داخلده و خارجده برچوق اصولات ، مقاولات و معاهدات ایله بوساحه ده ابراز فعالیتدن بر آن خالی قالما مشلدر .

مشروطیت مبعجله مرک اعلانندن بری ، منقول ، غیر منقول ثروتک استحصال و محافظه سی خصوصنده پک بارزا اولان نواقص قانونیه منری اکمال و تلافی ایچون حکومت سنیجه صرف ایدیلن همترل سزاوار شکراندر .

اموال غیر منقوله نک تقسیم ، توسیع حدانتقال ، شرکت ، سیغوریطه ، افلاس ، مقاولات خصوصیه ودها برچوق معاملات تجاریه حقنده وضع ایدیلن احکام قانونیه منقول ، غیر منقول ثروتلرک صیانت و تأمین آهنگی ایچون آتیلش صاغلام برر آدیندر . ترقیات ملیه مستقبله منره صوکه درجه تعاقی بولنان «تصرف» ک نه صورتله توثیق ایدلک و آلی ، فنی برطرزه افراغ اولتق اقتضا ایده جکی مسئله مهمه سی استیضاح و قارئین کرامه مفید و مجمل معلومات اعطا ایتک مقصدیله دفتر خاقانی امانت

علیه سی ارکان گرامندن اك زیاده صلاحیتدار اولان محترم برذاته مراجعت و بوابده کی مطالعه تریخی سؤال ایتدك . مشارالیهك بیاناتی بروجه آتی کمال اهمیتله قید ایدیورز :

« **تصريفك توقيفی** ایچون اساس ایکیدر : بریسی اصوله ، دیکری اینسه معاملاته متعلق در .

« **اساس اصولی** . — پی درپی تعدیل ایدلمکده اولان قوانین تصرفیه من محتاج اصلاحدر . اوقاف مسائلنك تولید ایتکده اولدینی مشکلات محتاج ایضاح دکادر .

« **بناء علیه اول باول بومسائلك** بر صورت تسویه به ربطیله بوندن تحدث ایدن مشکلات شتانك بر طرف ایدلمی ، و ، انواع اراضیتك توحیدی ایله احکام متساویه به اتباعنه چاره آرانسی ، و کدك ، هوا کبی محدثاتك رفی لازمدر .

« **معاملاته عائد قسمی** . — هر طرفده قیود موجوده دن نقلاً و تصویبه قیود اساسیه وجوده کترلك وامکان مساعد اولدینی قدر درجه درجه

« **توسیع اولتق اوزره** ، اصول فنییه توفیقاً « **قادر استرو** » یاپیله رق حقوق تصرفیه منری صورت قطعیه ده توثیق ایتك اهم والزمدر »

« **قادر استرو اصولنك** مملکت مزده تطبیق حقنده نه کبی تدابیر تصور ایدلمکده اولدیغنه دائر ایراد اولنان سؤاله مخاطب موقر من شو صورتده اعطای جواب بیوردیلر :

« **اول باول بونی یاپه جق ارباب فن و وقوف** یتشدرمك لازمدر . جهت عسکریه ده حریطه شعبه لرنده خدمت اتمش متقاعدین عسکریه دن وهندسه مکتبده تحصیل ایدن مهندس لر دن بالامتحن اثبات اقتدار ایدن برق اچ افندی امانت هیئت فنییه سنم آلمشدر . بونلر آلمان یادن جلب اولنان بر « **متخصص معرفتیه** تعلیم و تمرین ایدیلهرك بوایشلره احضار اولنان و یتشدریله بیلنلر ، آطه لرده ، غلطه ده « **بك اوغلانده** ، پی درپی باشلانیلان عملیات فنییه مأمور ایدلمکده در . آنجق ممالك عثمانیه نك معلوم « **اولان وسعتنه نظراً** ، قادر استرونك بویله محدود وسائط ایله اكمال واجراسی ممکن اوله میه جفندن « **ازومی قدر ارباب فن و وقوف** یتشدرمك ایچون اوروپاده بر جوق مملکتلرده اولدینی وجهله « **بزده ده مخصوص بر مکتب تأسیسیله** اعدادی مأذونلرندن آلنه جق افندیلری اوچر سنه ده تدریس « **واحضار ایتك اهم والزمدر** . بونلر ، تصور ایدلدیکی وجهله ، تدریسات و تطبیقات کوره رك « **مکتبدن چبقار چقماز عملیاته** فعلاً اشتراك ایده بیله جکاردر . بو صورتله ایستلدیکی قدر ارباب « **فن و وقوف** یتشدریلهرك عملیاته آرزو ایدیلهرکی قدر وسعت و سرعت و یرمك ممکن اوله بیلدیکی « **کبی متخصص و مقتدر و قادر استرویه** متعلق امور و معاملاتك کافه سنه واقف مأمور تدارکنده کی « **مشکلات** حالیه به بناء بر جوق مأمورلردن صراک قومسیونلر تشکیلی ایچون بالضروره اختیار « **ایدلمکده اولان مصارف** دخی مهم بر نسبتده تنقیص اولنه بیلور . شو صورتله **ههم وقت ههم ده نهم** « **قزابلش اولور** . »

« **بو تصورك** عجباً قاج سنه ده حیز آرای حصول اوله بیله جکی حقنده کی سؤالزه شو جوابی آلدق : « **قادر استرونك اکالی** ، ممالك سائره نك هر برنده اولدینی کبی ایجه زمانه متوقفدر . بونك بزده

« **ممالك سائره دن** دها سریع بر صورتده یاپیله جنی بالطبع ادعا اولنه باز . بونك نه ده به تسریع

« **اهراسی آرزو اولور** . وسائطی اونستده تکثیر اولور . »

تحويل تصرفك بزرده ايجہ معاملات قرطاسیہ بہ تابع اولدیغی معلومدر . حالبوکه اوروپاده حق تصرفك قولایلقله الدن اله کچمسنی تأمین ضمانتده اتخاذ اولنان اصولاتك غیر منقول ثروتدن عالم تجارتده استفاده ایدلمسنی مستلزم نیجه محسناته سبب اولدیغی بیان ایله بزرده دخی معاملات فراغیهك تسریعی حقنده نهکی تدابیر اتخاذی ایجاب ایدهجکئی استیضاح ایتدیکمزرده بیانات آتیله جواب ویرلشدیر :

« معاملات فراغیهك تسریعی ایچون اتخاذ اولنهجق تدابیرك اهم واقدمی ، قیود و وثائق تصرفیهك منتظم برطرزده تأسیسی کیفیتدر . بونك ایچونده شمیدین قیود اساسیه وجوده کترمك اسبابنه کال اهمیت وجدیتله توسل اولمشدر . بوقیود تأسس ایتدکدن صوکره معاملات فراغیه وانتقالیهی پک سریع برصورته اجرا ایتمك ممکن اولور . »

بو حرب جهان سوزدن صوکره بشریت ایچون یکی بر دوره حیات باشلایهجق ، نیجه اساسات و اصولات تغیرات و تبدلات عظیمیه دوچار اولهجقدر . معاملات اقتصادیه ، حیات اجتماعیه ، مناسبات دولیه و الحاصل بشریتك آهنگ وانتظامی تأمینہ صالح اولان روابط متنوعیه ، قیود عنعنوییهك بلکهده بسبتون خارجنده اولهرق ، یکی بر طاقم دساتیره توفیقاً ترتیب وتنسيق ایدیلهجکدر . آجیلهجق یکی آفاق تکمل وتکامل ایچون اولدن احضاراتده بولمیان ملل واقوامك ، ساحه فعالیتده اثبات هویت وحقی تأمین وادامه حیات ایده بیلملری محال دکلسهده ، هر حالده پک مشکل اوله جقندن عالم عثمانینك روح تکامل وترقیسنه تعلق اولان حق تصرفك توثیقی حقنده دائره عاظمه سنجه شمیدین احصا تطبیقنه توسل اولنان بوکئی احکام و اساسات مهمه بی مع الشکران قید ایله حقیقت نامنه عرض منتهاری ایلرز . دعوی وکیلی معلم کریدی

احمد سانی

قطرات افکار

[*] — ۳ —

شعر ، فلسفهك شایعاً متصرفیدر .

ایکی مذهبی اولانك بر مشربی اوله ماز .

زمان کچمکه بشرک صفوتی زائل اولیور . بو خصوصده ارتجاعه آز تصادف اولنور .

شخصنه بیوک اهمیت ویرن ، ثلومدن قورقار و کندیسندن صوکره عالمك یتیم قالهجغنی

ظن ایدر .

کندی کندی ایله کوروشمه سنی — یعنی دوشونمه سنی — بیان ، اوسط ناس ایله

ملاقاتدن لذتیاب اولماز .

دیگر کاملق (آلتر وئیزم) ، منفعتی ، خط ولذتی خارجه آرار بر خود کاملق (آغوئیزم) دن

بشفه برشی دکلدیر .

بشر ، آکلایه مدیغنه یایه معبودیتی سزا کورور .

[*] قطرات افکارك ماقبلی ۳۷ نجی و ۴۰ نجی نسخه لر مزده مندرجدر .